



**Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 54. Eligitur Clemens VII.

---

[urn:nbn:de:hbz:466:1-66293](#)

Sæcul. XIV. plorabimus, cæteraque remedia canonicæ adhibebimus. Dabamus Anagniæ,

A.C. 1378. quam elegimus tanquam locum tutiorem, & ad omnia memorata magis idoneum ob virtutem ac fidelitatem magnifici Domini Honorati Cajetani Fundorum Comitis, ac Rectoris provinciæ. Defecerat ab Urbano: quia is hanc præfecturam Thomæ Severinofanensi ejus inimico tradere voluerat. Hæc declaratio inventur inscripta ipsi Papæ Urbano mutatis solum verbis necessario mutandis.

*Duboulay*  
p. 467.  
*Valsing.*  
p. 416.

1034

*Vitæ to. I.*  
p. 477.

p. 478. 488.  
1237.

## §. LIV.

*Eligitur Clemens VII.*

Sexto Calendas Septembbris anno 1378 Cardinales Galli Anagnia venerunt Fundos: quæ Campaniæ urbs Honato ut Domino subjecta suo viginti septem millibus passuum, seu novem leucis Anagnia distabat Neapolim versus, & prope Cajetam sita. Fundos itidem se contulerunt Cardinales Itali, nempe Florentinus, Mediolanensis, & Ursinus: quartus de S. Petro Romæ manebat æger, ibique obiit die Lunæ 6 Septembbris. Quindicim illi Cardinales convenere in Fundinum palatum Comitis; sacramque sedem esse vacuam perhibentes vigesimo ejusdem mensis Papam elegerunt e suo numero, Robertum Genevatem Cardinalem

nalem Presbyterum de duodecim Aposto-Sæcul.XIV.  
lis. Tres Itali se submoverunt statim post A.C.1378.  
electionem: quæ postero die S. Matthæi  
promulgata fuit: & novus Papa voluit  
nuncupari Clemens VII.

Fuerat, ut dixi, Canonicus Parisinus, *Sup. §. 20.*  
Episcopus Tervanus, postea Cameracen-  
sis, & anno 1371 per Gregorium XI Ro-  
mana ornatus purpura: nec tamen ma-  
jor annis triginta sex, cum electus est in  
Papam; sed ob hanc ipsam ætatem suam.  
Videbatur enim tanto plus animi, & *Rayn. 1376.*  
virium habiturus ad jura sua contra Ur-  
banum tuenda: neque carebat experien-  
tia, per biennum legatione functus in  
terris Ecclesiæ Romanæ. Præterea ex  
nobilitate sui generis spectabatur, o-  
mnes propemodum magnos Principes  
Christianos cognatione, aut affinitate con-  
tingens.

### §. LV.

#### *Urbanus novos Cardinales creat.*

Papa Urbanus a cunctis Cardinalibus,  
quin etiam a parte Ministrorum aulæ  
seu curiæ suæ desertum se doluit non si-  
ne profusis lacrymis; ac præcipitem a-  
gendi rationem suam agnoscere pergebat.  
Ut eam compensaret, Aulicis se suis  
præbuit benigniorem; multaque mun-  
nera, quæ tam vacabant, contulit. Præ-  
*Th. n. 22.*